



Broj: 01-898/21  
Sarajevo 15.03.2021. godine

Na osnovu člana 18. stav (2), a vezi sa članom 10. stav (1) tačka d) i članom 17. Stav (1) Zakona o javnim nabavkama Bosne i Hercegovine ("Službene glasnik BiH", broj: 39/14), člana 136. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), člana 108. Statuta Univerziteta u Sarajevu, dekan Fakultet sporta i tjelesnog odgoja Univerziteta u Sarajevu donosi:

## ODLUKU o izuzeću od primjene Zakona o javnim nabavkama Bosne i Hercegovine

### Član 1. (Predmet odluke)

Od primjene Zakona o javnim nabavkama BiH izuzima se nabavka usluge godišnje pretplate za 2021. godinu na Službena glasila- Internet izdanje.

### Član 2. (Vrijednost nabavke)

Ukupna procjenjena vrijednost nabavke usluga iz člana 1. ove Odluke na godišnjem nivou iznosi 205,13 KM bez PDV-a (Slovima:dvijestotinepet/13), odnosno 240,00 KM sa PDV-om (slovima:dvijestotinečetdeset).

### Član 3. (Izvor finansiranja)

Sredstva za ovu namjenu su obezbijeđena u Budžetu Kantona Sarajevo za 2021. godinu i u Finansijskom planu Fakulteta za 2021. godinu.

### Član 4. (Vrsta postupka)

Postupak predmetne javne nabavke će se provesti sa dobavljačem koji ima zakonski monopol na tržištu, odnosno sa JP Novinsko-izdavačka organizacija Službeni list Bosne i Hercegovine, ulica Džemala Bijedića 39/III, 71000 Sarajevo, prihvatanjem predračuna broj: 859-15119/21 od 07.01.2021. godine, protokolisan pod brojem:03-103/21 od 15.01.2021. godine. Sa izabranim dobavljačem neće biti zaključen ugovor, jer se radi o nabavci čija vrijednost iznosi do 1.000,00KM.



---

**Član 5.**  
**(Plan nabavki za 2021. godinu)**

U Plan javnih nabavki Fakulteta za 2021. godinu, u odjeljaku nabavki na koje se ne primjenjuje Zakon o javnim nabavkama, biće uvrštena nabavka usluge godišnje pretplate za 2021. godinu na Službena glasila- Internet izdanje sa naznakom da je realizirana u periodu do usvajanja i objavljivanja Plana nabavki za 2021. godinu.

**Član 6.**  
**(Dostavljanje Izvještaja)**

Dostavljanje Izvještaja Agenciji za javne nabavke vršiti će se u skladu sa članom 75. Zakona o javnim nabavkama BiH i članom 9. stav (4) Uputstva o uslovima i načinu objavljivanja obavještenja i dostavljanju izvještaja u postupcima javnih nabavki u informacionom sistemu "E-nabavke" ("Službeni glasnik BiH", broj: 90/14 i 53/15).

Izvještaj iz predhodnog stava Agenciji za javne nabavke dostavljat će stručni saradnik za javne nabavke i ekonomske poslove Fakulteta, u roku od 30 dana od dana donošenja odluke.

**Član 7.**  
**(Provođenje odluke)**

Za provođenje ove Odluke zadužuje se Služba za računovodstvo i finansije Fakulteta.

**Član 8.**  
**(Stupanje na snagu)**

Ova odluka stupa na snagu danom donošenja i bit će objavljena na web stranici Fakulteta sporta i tjelesnog odgoja Univerziteta u Sarajevu [www.fasto.unsa.ba](http://www.fasto.unsa.ba).

***O b r a z l o ž e n j e***

Odredbama Zakona o službenom glasilu Bosne i Hercegovine ("Službeni glasnik BiH", broj: 1/97, 9/04, 103/09 i 100/13) i Zakona o Službenim novinama Federacije BiH ("Službene novine FBiH", broj:1/94), propisano je da se zakoni, podzakonski akti, statuti, rješenja, odluke i drugi akti koji su od javnog interesa ili su od interesa za preduzeća, ustanove, druge organizacije i građana, objavljuju u "Službenom glasniku BiH" i "Službenim novinama FBiH", zavisno od nivoa vlasti na kojem je akt donesen i teritorije na koju se odnosi.

Članom 10. stav (1) tačka d) Zakona o javnim nabavkama ("Službeni glasnik BiH", broj: 39/14), propisano je izuzeće od primjene odredaba Zakona o javnim nabavkama Bosne i Hercegovine za ugovore o javnoj nabavci prirodnih i zakonskih monopola, a koji uključuju nabavku vode, električne energije, plina, toplotne energije i drugih usluge do otvaranja relevantnog tržišta za konkurenciju.



Članom 18. stav (2) Zakona o javnim nabavkama Bosne i Hercegovine ("Službeni glasnik BiH", broj: 39/14), propisano je da u slučaju izuzeća od primjene iz člana 10. Zakona o javnim nabavkama BiH, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) člana 10. Zakona o javnim nabavkama BiH.

S obzirom da za predmet javne nabavke utvrđen u članu 1. ove odluke, tržište za vršenje navedenih usluga nije otvoreno za konkurenciju u 2021. godini i da se nevedeni predmet javne nabavke može nabaviti samo od dobavljača JP NIO "Službeni list Bosne i Hercegovine", ulica Džemala Bijedića 39/III, 71000 Sarajevo, što predstavlja monopol, ispunjeni su uslovi za izuzeće od primjene Zakona o javnim nabavkama BiH u skladu sa članom 10. stav (1) tačka d) Zakona o javnim nabavkama BiH.

Nadalje, članom 17. Zakona o javnim nabavkama BiH ("Službene glasnik BiH", broj: 39/14), određeni su uslovi za početak postupka javne nabavke te je u stavu (1) jasno definisano da ugovorni organ može započeti postupak javne nabavke ako je nabavka predviđena u Planu nabavki ili kada ugovorni organ donese posebnu odluku o pokretanju postupka javne nabavke. Stavom (2) Člana 17. Zakona o javnim nabavkama BiH ("Službene glasnik BiH", broj: 39/14), određena je obaveza ugovornog organa da mora objaviti plan javnih nabavki na svojoj internet stranici u roku od 60 dana od dana usvajanja budžeta, odnosno finansijskog plana. Nabavka iz člana 1. ove odluke smatra se neophodnom. Potreba za nabavkom usluge iz člana 1. ove odluke neophodna je radi obavljanja svakodnevne djelatnosti ugovornog organa, a čiji nedostatak bi mogao ugroziti kontinuitet i sigurnost rada ugovornog organa, zbog čega je neophodno provesti navedeni postupak prije usvajanja Plana nabavke za 2021. godinu. U Plan javnih nabavki Fakulteta za 2021. godinu, u odjeljaku nabavki na koje se ne primjenjuje Zakon o javnim nabavkama, biće uvrštena nabavka usluge godišnje pretplate za 2021. godinu na Službena glasila- Internet izdanje sa naznakom da je realizirana u periodu do usvajanja i objavljivanja Plana nabavki za 2021. godinu.

Imajući u vidu naprijed navedeno, a na osnovu zahtjeva šefa računovodstva Fakulteta broj:01-783/21 od 05.03.2021. godine, odlučeno je kao u dispozitivu.

**Dostaviti:**

- dekan
- Sekretar
- Računovodstvo
- Safet Rašinlić (za web stranicu)
- Stručni saradnik za javne nabavke i ekonomske poslove
- a/a

DEKAN  
Prof.dr. Haris Alić

A handwritten signature in blue ink, appearing to be 'Haris Alić', is written over a circular blue stamp. The stamp contains the text 'UNIVERZITET U SARAJEVU' and 'FAKULTET SPORTA I TJELESNOG ODGOJA'.